



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA
Broj:02-011- 418 /'03
Sarajevo, 1.04.2003.god.**

ZAPISNIK

**4. sjednice Doma naroda Parlamentarne skupštine Bosne i Hercegovine,
održane 1. aprila 2003.godine**

Sjednica je počela sa radom u 11,05 sati.

Sjednicom je predsjedavao Mustafa Pamuk, prvi zamjenik predsjedavajućeg Doma naroda Parlamentarne skupštine Bosne i Hercegovine.

Na sjednici je bilo prisutno 13 delegata.

Delagati: Velimir Jukić i Goran Milojević su opravdali izostanak.

Osim delegata na sjednici Doma naroda prisustvovali su: predstavnici Vijeće ministara, predstavnik Predsjedništva BiH, predstavnici međunarodnih organizacija, pozvani gosti i predstavnici sredstava javnog informisanja.

Dom naroda jednoglasno je usvojio sljedeći

DNEVNI RED

1. Odgovori na delegatska pitanja i delegatska pitanja
2. Zapisnik sa 3. sjednice Doma naroda Parlamentarne skupštine BiH
3. Izbor članova delegata Doma naroda Parlamentarne skupštine BiH u:
 - a) Organizaciju za evropsku bezbjednost i saradnju
 - b) Centralno-evropsku inicijativu
 - c) Interparlamentarnu uniju
4. Imenovanje članova za Zajedničku komisiju oba doma Parlamentarne skupštine BiH za postizanje sporazuma o istovjetnom tekstu Zakona o odlikovanjima BiH
5. Imenovanje članova za Zajedničku komisiju oba doma Parlamentarne skupštine BiH za postizanje sporazuma o istovjetnom tekstu Zakona o ravnopravnosti i jednakosti polova u BiH
6. Zaključak o povlačenju iz parlamentarne procedure Zakona o pravima Etničkih i nacionalnih zajednica i manjina u Bosni i Hercegovini
7. Prijedlog zakona o zaštiti prava nacionalnih manjina – predlagač Predstavnički dom (član 100.)
8. Ratifikacija Ugovora između BiH i Republike Hrvatske o izmjeni Ugovora između BiH i Vlade Republike Hrvatske o poticanju uzajamnoj zaštiti ulaganja - predlagač Predsjedništvo BiH

9. Ratifikacija Međunarodne konvencije o zaštiti bilja (novi prerađeni tekst koji je odobrila FAO Konferencija na svojoj 29. sjednici – novembar 1997. godine – predlagač Predsjedništvo BiH)
10. Ratifikacija ugovora između vlada balkanskih zemalja o ekonomske i naučno-tehničkoj saradnji u oblasti poljoprivrede – predlagač Predsjedništvo BiH
11. Ratifikacija Konvencije o bezbjednosti osoblja Ujedinjenih nacija i pridruženog osoblja, usvojena od Generalne skupštine UN-a 09. decembra 1994. godine – predlagač Predsjedništvo BiH
12. Ratifikacija trgovinskog sporazuma između Bosne i Hercegovine i Vlade Republike Indonezije - predlagač je Predsjedništvo BiH
13. Ratifikacija međunarodne Konvencija o suzbijanju terorističkih bombaških napada, usvojena od Generalne skupštine UN-a 15. decembar 1997. godine – predlagač Predsjedništvo BiH
14. Ratifikacija sporazuma o petogodišnjem programu razvojne saradnje 2002.-2006. između Vlade Republike Grčke i Vijeća ministara Bosne i Hercegovine – predlagač Predsjedništvo BiH
15. Ratifikacija Konvencije o obilježavanju plastičnih eksploziva s ciljem otkrivanja, Montreal 01. mart 1991. godine – predlagač Predsjedništvo BiH
16. Finalni Izvještaj Bosne i Hercegovine o stanju održivog razvitka za Svjetski samit o održivom razvitku – verzije u četiri jezika – Vijeće ministara

Ad-1: Odgovori na delegatska pitanja i delegatska pitanja

Odgovora na delegatska pitanja su dobili delegati: Tomislav Limov i Velimir Jukić

Delegat Tomislav Limov nije zadovoljan datim odgovorom.

Delegatska pitanja su postavili,

Delegat Zoran Spasojević postavio je pitanje Fondu Pio Federacije BiH.

Zašto Fond Pio Federacije BiH na želi da dostavi obrasce M-4 za godine: 1985., 1986., 1987., 1988., 1990., 1991. za umrlog gosp. Kalajdžić Mladana koji je radio u školskom Centru usmjerenog obrazovanja – Upravna škola Zenica.

Delegat Branko Zrno je postavio sljedeća pitanja nadležnom ministarstvu u Vijeću ministara:

1. Koliko proizvodimo a koliko uvozimo duhanskih prerađevina?
2. Kako je reguliran uvoz?
3. Tko i kako štiti domaću proizvodnju i kako je stimulira?
4. Kada će zakon regulirati odnose u proizvodnji, duhanskoj industriji i zaštiti iste?

Delegat **Osman Brka** postavio je pitanja članu Predsjedništva BiH, g. Čoviću, povodom njegovog intervjua u listu The Washington Times, u kome je prema navodima naše štampe, između ostalog navedeno:

- da u BiH postoji ogranak Al Kaide,
- da su Hrvatima, u entitetu sa muslimanskom većinom uskraćena radna mjesta u mnogim državnim ministarstvima,
- da su mnoge humanitarne agencije u BiH pokriće terorističkim skupinama koje finansiraju zemlje s Bliskog istoka uključujući Saudijsku Arabiju,

delegat je postavio sljedeća pitanja:

1. Na osnovu kojih dokaza g. Čović tvrdi da u BiH postoji ogranak Al Kaide?
2. Na koji način su većinski Muslimani (u BiH su narod Bošnjaci a ne Muslimani) uskratili radna mjesta Hrvatima u mnogim državnim institucijama?
3. Na osnovu čega je g. Čović izjavio kako su mnoge humanitarne organizacije pokriće terorističkih skupina, a posebno kako on zna da zemlje Bliskog istoka uključujući S. Arabiju finansiraju ove aktivnosti?
4. Da li je Predsjedništvo BiH raspravljalo o ovom pitanju, čiji je član g. Čović i da li su oko ovog zauzeli stavove?

Ad-2: Zapisnik sa 3. sjednice Doma naroda Parlamentarne skupštine Bosne i Hercegovine.

U diskusija nije vođena.

Dom naroda jednoglasno je usvojio Zapisnik 3. sjednice Doma naroda

Ad-3: Izbor članova delegata Doma naroda Parlamentarne skupštine BiH u:

- a) Organizaciju za evropsku bezbjednost i saradnju
- b) Centralno-evropsku inicijativu
- c) Interparlamentarnu uniju

Diskusija nije vođena.

Dom naroda je jednoglasno izvršio izbor članova delegata u:

- a) Organizaciju za evropsku bezbjednost i saradnju
- b) Centralno-evropsku inicijativu
- c) Interparlamentarnu uniju

U Organizaciju za evropsku bezbjednost i saradnju izabrani su Zoran Spasojević i Velimir Jukić.

U organizaciju za Centralno-evropsku inicijativu izabran je Mustafa Pamuk.

U Interparlamentarnu uniju izabrani su: Osman Brka, Nade Radović i Anto Spajić

Ad-4: Imenovanje članova za Zajedničku komisiju oba doma Parlamentarne skupštine BiH za postizanje sporazuma o istovjetnom tekstu Zakona o odlikovanjima BiH

Diskusija nije vođena.

Dom naroda je jednoglasno izabrao članove za Zajedničku komisiju oba doma Parlamentarne skupštine BiH za postizanje sporazuma o istovjetnom tekstu Zakona o odlikovanjima BiH. Za članove komisije izabrani su : Halid Genjac, Boško Šiljegović i Ante Spajić.

Ad-5: Imenovanje članova za Zajedničku komisiju oba doma Parlamentarne skupštine BiH za postizanje sporazuma o istovjetnom tekstu Zakona o ravnopravnosti i jednakosti polova u BiH

Diskusija nije vođena.

Dom naroda je jednoglasno izabrao članove za Zajedničku komisiju oba doma Parlamentarne skupštine BiH za postizanje sporazuma o istovjetnom tekstu Zakona o ravnopravnosti i jednakosti polova u BiH. Za članove komisije izabrani su: Hilmo Neimarlija, Vinko Radovanović i Ilija Filipović.

Ad-6: Zaključak o povlačenju iz parlamentarne procedure Zakona o pravima Etničkih i nacionalnih zajednica i manjina u Bosni i Hercegovini

U diskusiji su učestvovali: Mustafa Pamuk i Osman Brka.

Dom naroda je jednoglasno usvojio Zaključak o povlačenju iz parlamentarne procedure Zakona o pravima Etničkih i nacionalnih zajednica i manjina u Bosni i Hercegovini.

Ad-7: Prijedlog zakona o zaštiti prava nacionalnih manjina – predlagač Predstavnički dom (član 100.)

U diskusiji su učestvovali: Zoran Spasojević, Ilija Filipović i Osman Brka.

Dom naroda je sa 12 glasova za i jednim uzdržanim glasom usvojio da se Zakon razmatra po članu 100. Poslovnika Doma naroda, nakon čega je jednoglasno usvojio Prijedlog zakona o zaštiti prava nacionalnih manjina.

Ad-8: Ratifikacija Ugovora između BiH i Republike Hrvatske o izmjeni Ugovora između BiH i Vlade Republike Hrvatske o poticanju uzajamnoj zaštiti ulaganja - predlagač Predsjedništvo BiH

U diskusiji su učestvovali: Slobodan Radulj, savjetnik u kabinetu predsjedavajućeg Predsjedništva BiH i Hasan Čengić.

Dom naroda je jednoglasno dao saglasnost za ratifikaciju Ugovora između BiH i Republike Hrvatske o izmjeni Ugovora između BiH i Vlade Republike Hrvatske o poticanju i uzajamnoj zaštiti ulaganja.

Ad-9: Ratifikacija Međunarodne konvencije o zaštiti bilja (novi prerađeni tekst koji je odobrila FAO Konferencija na svojoj 29. sjednici – novembar 1997. godine – predlagač Predsjedništvo BiH

U diskusiji je učestvovao Ilija Filipović.

Dom naroda je jednoglasno dao saglasnost za ratifikaciju Međunarodne konvencije o zaštiti bilja (novi prerađeni tekst koji je odobrila FAO Konferencija na svojoj 29. sjednici – novembar 1997. godine.

Ad-10: Ratifikacija ugovora između vlada balkanskih zemalja o ekonomskoj i naučno-tehničkoj saradnji u oblasti poljoprivrede – predlagač Predsjedništvo BiH

U diskusiji je učestvovao Hasan Čengić.

Dom naroda je jednoglasno dao saglasnost za ratifikaciju Ugovora između vlada balkanskih zemalja o ekonomskoj i naučno-tehničkoj saradnji u oblasti poljoprivrede uz prijedlog Hasana Čengića da se zatraži od Vijeće ministara da donese posebno upustvo i tumačenje na koji način će Bosna i Hercegovina imati predstavnika, tj. odlučivati o predstavniku u zajedničkim međunarodnim tijelima ubuduće.

Ad-11: Ratifikacija Konvencije o bezbjednosti osoblja Ujedinjenih nacija i pridruženog osoblja, usvojena od Generalne skupštine UN-a 09. decembra 1994. godine – predlagač Predsjedništvo BiH

U diskusiji su učestvovali Hasan Čengić i Ilija Filipović.

Dom naroda je jednoglasno dao saglasnost za ratifikaciju Konvencije o bezbjednosti osoblja Ujedinjenih nacija i pridruženog osoblja, usvojena od Generalne skupštine UN-a 09. decembra 1994. godine.

Ad-12: Ratifikacija trgovinskog sporazuma između Bosne i Hercegovine i Vlade Republike Indonezije - predlagač je Predsjedništvo BiH

U diskusiji je učestvovao Hasan Čengić.

Dom naroda je jednoglasno dao saglasnost za ratifikaciju trgovinskog sporazuma između Bosne i Hercegovine i Vlade Republike Indonezije.

Ad-13: Ratifikacija međunarodne Konvencija o suzbijanju terorističkih bombaških napada, usvojena od Generalne skupštine UN-a 15. decembar 1997. godine – predlagač Predsjedništvo BiH

U diskusiji su učestvovali Hasan Čengić i Ilija Filipović.

Dom naroda je jednoglasno dao saglasnost za ratifikaciju međunarodne Konvencija o suzbijanju terorističkih bombaških napada, usvojena od Generalne skupštine UN-a 15. decembar 1997. godine.

Ad-14: Ratifikacija sporazuma o petogodišnjem programu razvojne saradnje 2002.-2006. između Vlade Republike Grčke i Vijeća ministara Bosne i Hercegovine – predlagač Predsjedništvo BiH

U diskusiji su učestvovali: Hasan Čengić i Nade Radovanović.

Dom naroda je jednoglasno dao saglasnost za ratifikaciju sporazuma o petogodišnjem programu razvojne saradnje 2002.-2006. između Vlade Republike Grčke i Vijeća ministara Bosne i Hercegovine uz sljedeći zaključak koji je predložio Klub delegata srpskog naroda:

"Dom naroda Parlamentarne skupštine Bosne i Hercegovine traži od Savjeta ministara BiH da na prvoj narednoj sjednici preispita Odluku predhodnog Savjeta ministara BiH o imenivanju nadzornog odbora, sekretarijata, nacionalnog koordinatora i zajedničkog Upravnog odbora Programa razvojne saradnje 2002. – 2006., između Vlade Republike Grčke i Savjeta ministara BiH u smislu zamjene onih članova koji nisu više u Institucijama Bosne i Hercegovine, a to ovaj program traži".

Ad-15: Ratifikacija Konvencije o obilježavanju plastičnih eksploziva s ciljem otkrivanja, Montreal 01. mart 1991.godine – predlagač Predsjedništvo BiH

U diskusiji su učestvovali: Hasan Čengić i Ilija Filipović.

Dom naroda je jednoglasno dao saglasnost za ratifikaciju Konvencije o obilježavanju plastičnih eksploziva s ciljem otkrivanja, Montreal 01. mart 1991.godine.

Ad-16: Finalni Izvještaj Bosne i Hercegovine o stanju održivog razvitka za Svjetski samit o održivom razvitku – verzije u četiri jezika – Vijeće ministara

U diskusiji su učestvovali: Ibrahim Čengić, predstavnik Vijeće ministara, Hasan Čengić i Zoran Spasojević.

Dom naroda je jednoglasno primio k znanju Finalni Izvještaj Bosne i Hercegovine o stanju održivog razvitka za Svjetski samit o održivom razvitku, uz zaključak da zatraži od Vijeće ministara BiH da Parlamentarnoj skupštini BiH dostavi akcioni plan za izradu strategije održivog razvoja Bosne i Hercegovine.

Sjednica je završena u 12,40 sati.

Sastavni dio ovog zapisnika je neautorizirani transkript sjednice.

SEKRETAR
USTAVNO-PRAVNE
KOMISIJE
DOMA NARODA
Aljoša Čampara, s.r.

ZAMJENIK
PREDSJEDAVAJUĆEG
DOMA NARODA
Mustafa Pamuk, s.r.